

欽定剿平三省邪匪方略

欽定剿平三省邪匪方略續編卷五

癸亥年

二月十八日

甲寅

吳熊光奏言竊

臣

接據探報前

自南陽河西竄一起香匪仍折回興歸境內其
續由巴東火峯塘竄至歸州香溪等處之百餘
賊匪係屬另起該匪等先後分逃歸州東湖興
山交錯山內副將孫應奉於杜家川遇賊截擊
後帶兵扼住西南知會吉林泰自東湖向西北

搜剿李天林自巴東向南兜截該匪經數路官兵圍逼遂分起星竄或數十人爲一起或十餘人爲一起晝伏夜出吉林泰等因亦分派兵勇四路搜剿乃該匪見兵勇分佈西南遂連夜北趨類聚合竄直奔保康屬之關斗坪東流水等處山內時值臣派赴興歸協捕之副將呢瑪穆帶兵行抵金斗坪探知賊蹤趕赴分水嶺迎截

該匪知有官兵前來又因北面有守備羅陞帶
領兵勇及寨勇等扼堵遂向東狂奔呢瑪善跟
蹤追擊殲斃後隊賊匪五名散出被裹民人八
名該匪翻越罐子山疾竄吉林泰帶兵趕到恐
其東入南漳抄道攔剿該匪不能東下分爲兩
起仍回西南金斗坪乾峽一路勢將折轉興山
吉林泰呢瑪善分投前進連日吉林泰等訊據

獲贖及逃出民人供稱此起賊匪係四川人陳
姓爲首賊匪亦都是四川聲口約共有三四百
人

臣

伏查此時零匪伎倆惟以折竄分逃爲避

兵延喘之計今趁其合歸一隊之時官兵正得
併力殲除已嚴飭吉林泰呢瑪善等緊躡追擊
以冀迅速掃除其李天林孫應奉等現在興歸
一帶搜捕零匪

臣

亦已飛飭該鎮等迎探此起

賊匪與吉林泰呢瑪善等收夾攻之效提臣慶
成於前月三十日行抵襄陽任事因途中車驚
壓傷左腿行動尚須扶掖未得卽行來營臣查

湖北新舊各營因用兵日久鎮將等俱帶兵外
出營務未能整頓況提督及鄖陽鎮協各營甫
經更設正須妥爲佈置臣已札囑一面調養一

面將營制一切逐一清查俟慶成查竣來營臣

更當與之熟商搜捕事宜以及善後諸務

吳熊光又奏言楚境零匪自上年十一月後惟
與巴一路尙有餘剩零匪未淨二竹房縣境內
業就廓清並無餘孽至興山巴東二屬因與川
省巫山毗連致復有川中零匪二起先後入楚
臣再三籌酌竊以此種餘匪無論在川在楚均
須剗絕根株惟當不分畛域若僅分兵防堵恐

鎮將兵勇各存株守一隅之見必致互相推諉
官兵力堵之處或已無待窮搜而應行搜剿之
區又未必卽在設堵之地且此時賊蹤零落迥
非從前大股賊衆可比該匪掩息潛逃往來山
徑官兵勢難逐處分設卽令有一二要隘兵威
壯盛賊不敢犯而該匪於無兵處所游奕潛藏
轉得肆其延喘以目前情形而論剿則兵力專

一堵則賊蹤散漫惟是兵力之強弱鎮將之優

絀三省各有不同

臣

統而計之目下川省賊情

稍重而該省可以擊賊制勝者亦惟德楞泰武
隆阿兩起官兵似又未便就楚言楚分其兵力

臣

惟有督率各鎮將就現有兵勇儘力追捕並

明立勸懲以期上緊肅清斷不敢稍任延緩再

此次自川闖入賊匪

臣

密行探訪俱係川省散

出鄉勇其中爲首之陳姓卽係向帶鄉勇之首
領連日據獲賊反逃出難民所供亦復相同查
此等無藉游民應募爲勇習於戰鬥卽令目前
妥爲安插日久亦難期安靜今趁大兵未撤乘
其不法及時剷除轉可免滋後患惟此等匪徒
向隨官兵行走不惟道路險易皆所熟諳凡官
兵進止情形亦無不盡悉更未可大意輕視是

以臣嚴飭各鎮將等於趕緊追捕之中仍隨時相機進取亦不可稍有冒昧致損兵威均奏入

上命軍機大臣傳諭德楞泰吳熊光日前因德楞泰奏報田朝貴所追之賊奏合山內各零匪有三百餘人是否卽係勒保前奏由楚省房縣竄至大寧邊界之三百餘人一起當經降旨諭令德楞泰等查明具奏續據勒保奏到前由湖北竄來之不知

姓名賊匪二三百人經豐紳張績兩路迎擊該匪
卽折回楚境現在巴東老林潛匿等語與本日吳
熊光所奏賊數符合是德楞泰所奏山內奏合之
三百餘人似卽此起餘匪折竄楚境且據吳熊光
奏稱訊據賊探供稱該匪等俱係四川聲口可見
此等零匪卽係川省剿剩未淨之賊復行奏合此
時川境餘匪無多有勒保在彼督率搜捕而楚省

得力鎮將較少慶成現又因中途車驚壓傷左腿
未能卽日到營看來該省現在兵力祇能將竄匪
追剿出境未必能就地殲擒德楞泰前由太平自
西而東如所躡卽係此起賊匪該匪已折竄入楚
德楞泰卽帶兵入楚速行就地剿淨倘前奏山內
湊合之賊係另起餘匪德楞泰尙在督辦不能分
身入楚亦當先派一二得力鎮將馳赴楚省幫同

搜捕俟德楞泰將川省餘匪辦淨再行赴楚督剿
總之餘匪一日不淨卽德楞泰一日不能卸責朕
亦不令其來京瞻觀也吳熊光仍當一面嚴飭鎮
將趕緊搜剿不可專俟德楞泰帶兵來楚稍致疎
懈至另片奏稱密探此起零匪俱係川省散出鄉
勇其爲首陳姓卽係向帶鄉勇之首領等語鄉勇
等不安生業流而爲匪自屬事所必有此時業已

爲賊惟當一律搜捕此等無籍游民爲官兵出力
時則爲鄉勇卽應獎勸旣經抗拒官兵卽爲賊夥
立予刑誅無所用其迴護總覩其自取耳再前日
扎克塔爾回京據稱川省餘匪尙有姚馨佐及陳
文海爲一起在通江一帶奔竄今據奏此起爲首
之陳姓是否卽係陳文海並著德楞泰吳熊光查
明具奏至吳熊光另摺奏目前情形剿則兵力專

一堵則賊蹤散漫二語所見甚是此時賊數愈少
若分段堵禦不但賊匪聞知有兵處所不肯竄近
並恐堵賊之人因分有地界心存推諉轉於剿捕
無益

上又命軍機大臣傳諭馬慧裕曰現在湖北省辦理
一切善後事宜需用較多著於豫省存貯備撥項
下撥銀三十萬兩解往湖北交吳熊光收貯備用

十九日

乙卯

額勒登保奏言

臣

因賊匪竄赴太平

大寧交界有各路官兵分投兜剿惟恐該匪被
剿情急由界嶺一帶老林北折陝疆必須嚴行
扼截隨飛飭賽沖阿赴漳河坪督率堵剿一面
札知楊遇春前赴斑鳩關派兵向南搜剿臣亦
由茅垭塘松樹壩土地嶺一路向東督策而進
連日據報副將王兆夢叅將祝廷彪張超等分

路進剿該匪探知四面有兵遁入紙廠老林官
兵入林搜捕因山大林深積雪凝滑限於地勢
未能得手臣疊經專差嚴催去後旋據賽沖阿

呈報派叅將王應鳳等搜獲賊探王禮朝等六
名並知該匪欲從北面竄來復派叅將安定邦
等由小河口向南搜捕斃賊五名生擒三名餘
匪翻山向刀背梁老林竄去適叅將祝廷彪與

賽冲阿帶兵先後趕到一同派兵入林共搜獲
賊匪九名投出十四名餘匪四散無蹤又據田
朝貴稟報連日由太平大寧追賊至寒溪河斃
賊匪三名生擒二十二名該匪逃往仰天窩麥
後坪老林屯聚官兵追至掩殺又斃賊二名生
擒七名該匪隨向東面老林逃遁經劉清派來
協剿之通判劉星渠督勇兜殺又生擒賊匪六

名該匪向倒流溪回水陀竄去又據穆克登布稟報探聞通江之天平老林有零匪滋擾前往搜捕該處山徑崎嶇冰雪疑滑穆克登布與各將弁均徒步追躡追至長灣殲斃賊匪二名生擒王泳清等十五名滾崖跌斃十二名有吉林驍騎校烏金保因與賊匪扭結一齊滾跌下巖因傷殞命訊據王泳清供稱我們本與姚掌櫃

陳文海一同奔竄陳文海與姚掌櫃帶了三四十人往西逃命如蒙不殺我情願去搜擒他們

贖罪

臣

以賊目陳文海等剿潰潛逃若不弋獲

終屬未絕根株獲犯王泳清既稱情願尋搜或能生擒亦未可定

臣

已行令穆克登布將該犯

免死給予告示令其找入賊夥逼爲曉諭或將該逆縛獻或勸令投首均行重賞仍派得力新

勇一百名令額外外委李福帶領尾隨王泳清
前往卽行搜剿其餘獲犯均卽分別辦理又據
副將多隆武稟報在巴山老林搜獲零匪十六
名訊據供稱山內尙有伏匿逃散零匪三十餘
人現帶獲犯做眼分投搜捕又據總兵達自祥
稟報叅將褚大柴派兵在通江之攔馬山搜獲
零匪三名軍功單貴蔣超凡會同寨勇在九嶺

子老林殲斃賊匪六名又據通江縣知縣徐廷
鈺稟報自賊內逃出難民戚紹喜等十六名

臣

均隨時獎賞並將獲犯難民分別安插

臣

查通

南一帶川陝邊界零匪現經分兵搜捕時有殲
獲卽日可期淨盡查訊零星搜獲各犯均係三
五名或一二十名在山林內伏匿延喘畏懼不
敢出投刻下恪遵

前旨出示剴切曉諭卽交搜獲之犯前赴賊寨招徠
以冀投出一人卽可少殺一人用廣

皇仁並將各頭目設法殲除俾根株永絕兼恐該匪
向西逃竄已札知興奎督率國興阿汪啓等隨
地搜緝並檄各該州縣委員等盤詰查拏毋許
一名漏網至太平大寧交界田朝貴所剿之賊
於林內湊合三四百人該鎮現由後坪緊躡趕

剿格布舍亦由黃墩高觀寺東北抄截又有
紳在徐家壩一帶顧定東面德楞泰現在綠壩
一帶督率馬瑜色爾滾蒲尙佐等分投向北探
剿日內如王兆夢等會合將紙廠老林零匪剿
淨更可騰出兵力合併掃除臣現次茅壩關督
飭賽冲阿楊遇春等緊顧東北陝疆萬一該匪
折竄西南臣仍可就近督兵由大竹河太平境

內剿辦

額勒登保又奏言大功業已告厥刻祇搜捕零

匪步隊官兵儘足敷用所有隨征東三省官兵

應卽先行凱撤臣現將各官兵歸集查點

盛京官兵共有一百五十餘員名已飭令全數至

漢中前赴西安派

乾清門侍衛副都統達勒精阿委叅領孟興保暨

原帶協領德勒格爾清德等帶領作爲頭起凱
旋吉林黑龍江官兵亦令陸續由興安漢中前
赴西安派副都統銜協領全德三等侍衛德勒
奇善帶領吉林官兵頭等侍衛噶達鼐三等侍
衛文布蘇藍翎侍衛柯音保協領豐紳保帶領
黑龍江官兵作爲二三起間日由西安凱旋

臣

軍營現尙挑留吉林黑龍江兩省官兵共計三

百餘名分派帶兵各大員分路搜剿俟本省防
兵分設已定再行凱撤此次凱旋各官兵至西
安歸集亦須大員彈壓仍照上屆章程知會祥
保照料並札行溫承惠就近查明數目及應行

引

見各員明晰聲敘造冊咨部並將起程日期一面具
奏一面報此備查再將軍興奎現帶有西安滿營

官兵三十餘人臣因其不成一隊刻又將東三

省官兵凱撤是以酌調西安滿營官兵六十餘
名俾足一百名之數交與奎帶領既壯聲勢亦
可隨時操演至陝省征防鄉勇共二萬有餘前
已陸續裁撤七千餘名於上年九月奏

聞在案臣續又於隨征及各營卡鄉勇中隨時陸續

分起裁撤截至正月止又遣回鄉勇三千二

百餘名先後統計共裁鄉勇一萬零三百餘名
照例給予賞銀吞送各回原籍俱屬安靜均奏
入

上命軍機大臣傳諭額勒登保曰此次各路鎮將分
投搜捕均有斬獲然皆不過零星落後之賊前經
疊次降旨諭令額勒登保等務將餘匪剷除淨盡
現在三五成羣之賊尙有在山林內伏匿延喘額

勒登保當嚴飭鎮將等趕緊排搜殲淨餘孽力臻
完善不可稍行草率且該匪等怙惡不悛此時尙
不肯投出惟當以搜剿爲正辦果係悔罪投誠方
可貸其一死至摺內稱訊據獲賊王泳清供稱姚
掌櫃陳文海一同奔竄情願前去擒獲贖罪現經
額勒登保給予免死告示令其找入賊夥將姚陳
二逆縛獻或勒令投首等語該二逆俱係賊中頭

日非尋常習從夥黨可比如被官兵臨陣生擒或
經王泳清縛獻固當立正刑誅倘竟投首到營卽
當免死立時發遣伊犁此等教匪若在內地安插
日久必復滋事卽如從前辦理邪教案內之王發
生一經發遣遂絕根株其劉松一犯因係安插內
地轉得通信往來復釀事端不可不詳慎辦理再
昨札克塔爾回京經朕詢問據稱川省逆首尙有

姚之富之子姚馨佐陳文海爲一起宋應伏一起
曾芝秀一起等語本日額勒登保摺內所稱姚掌
櫃陳文海自卽係姚馨佐等一起其宋應伏一起
前據額勒登保奏訊獲犯等供稱該賊現在向西
另竄至曾芝秀一起昨據勒保奏經色爾滾馬瑜
剿散由雲奉一帶西竄該犯曾芝秀上年德楞素
奏稱落水淹斃嗣經吳熊光查訊該逆同樊人傑

一時淹斃兵勇等目所共覩遠近周知此時何以
尙有其人是否係該匪餘黨抑竟係該逆偷竄餘
生仍在奔逃著額勒登保查明據實具奏不可稍
存迴護至招內稱田朝貴所剿之賊於太平大寧
林內湊合三四百人該鎮現在趕剿等語前因德
楞泰奏稱田朝貴所追之賊湊合山內零匪三四
百八合之勒保所奏大寧邊界有由楚蘆川三百

餘人之語似係一起業已降旨查詢昨據吳熊光
奏此起三百餘人已折回巴東一帶今閱額勒登
保所奏該匪等現經田朝貴追剿可見另是一起
額勒登保當飭知該鎮等上緊剿淨毋任竄回陝
省此外山內或尚有未淨餘匪竄出總當據實奏
明一律搜除不必意存諱飾又據奏東三省官兵
分起凱旋額勒登保現在挑留吉林黑龍江官兵

三百名分派捕剿一節所辦甚是現在餘匪未淨
自當酌留勁兵以資派撥設凱旋之後或須復行
征調轉屬不成事體再興奎前在寧河一帶防守
此時該處業已肅清今據奏酌調西安滿兵交其
帶領以壯聲威亦可隨時操演等語是興奎現在
並無緊要應辦之事著額勒登保酌量如可無須
興奎防堵卽令共回西安將軍本任辦事所有此

次滾巖跌斃之吉林驍騎校烏金保著咨部照陣
亡例賜卹

二十日丙辰德楞泰奏言竊臣督兵向溫湯井前

進沿途據副都統色爾滾總兵馬瑜稟報帶同
副將馬應國叅將馬文斌遊擊楊登魁等由奉
節之平臯一帶搜捕遇見零匪一起殲斃十一
名生擒王三槐之堂弟王三魁及夥匪許忠第

等共二十八名又據總兵田朝貴稟報連日帶兵追賊進至太平山內探知各號零匪先後合夥約三百餘人屯於寒溪河率領將備進擊斃賊三名生擒羅士俸等二十二名餘匪敗向濛濛溪柳家壩東奔官兵追至太平大寧開縣三交界之仰天窩等處又殲斃賊匪八名生擒十六名現在該逆東竄大寧之後坪一帶仍卽躡

蹤追剿又接提督豐紳信稱派令遊擊晉之連
在大寧搜捕探得香桂村地方藏有零匪官兵
趕至萬古寺殺賊十餘名生擒一名又跟追至
石祿坪殺斃偽先鋒陳君賜及匪黨二十一名
生擒五名又守備高星文等派往小坪溪搜捕
該處有零匪五十餘人趕至楊柳池殺斃賊匪
十六名生擒十四名又據副都統銜富登阿副

將王兆夢等稟報跟追過江賊匪遊擊胡定泰
在九龍寨截殺殲斃十餘名生擒七名該逆有
東趨大寧之勢臣查各路所追之賊均屬零星
殘孽總以老山奔竄爲藏身之窟已隨時飭令
各路竭力剿除惟查太平大寧山內富登阿王
兆夢與田朝貴等所追賊匪竄蹤相距不遠頃
接額勒登保來信又飭令副都統格布舍副將

張瑗等帶兵由陝楚邊界入川已至黃墩高觀
寺一帶襄沖阿亦在陝界北面之洋圈河防堵
楊遇春又督兵在盤香河等處攔剿總兵劉瑞
在大竹河堵截是西北兩面已有數路兵力堵
剿該匪斷不能折陝但查東面大寧之湯家壩
桐油壩東南面之新田壩加當灣兩路與楚界
毗連路徑紛歧該匪業有東奔之勢臣隨卽知

會豐紳帶兵由湯家壩桐油壩自東向西進剿
並飛飭色爾滾馬瑜就近由核桃壩紅池壩進
山取道加當灣新田壩截其東面均可與追兵
前後夾擊至遊擊陳弼等於官勝寨打仗後所
剩餘匪八九十人亦由開縣之謝家壩尖山壩
進山東走該遊擊已跟蹤前追是山外零匪盡
聚山內臣現又分派富僧德蒲尙佐副將馬元

等帶兵由雲陽取道奉節之寶塔一帶前進確探山內賊蹤隨時截剿又頃據大寧文武稟報川楚界上羊頭地方有由房縣陰條嶺竄來賊匪三百餘名知總兵張積等帶兵前往追剿又折回原路東奔等情查該處邊界一帶巴東房縣均係老山箐林而總兵吉林泰李天林原在彼分段堵禦臣已飛飭吉林泰由巴東之火峯

界嶺一帶自東南向西兜截令李天林由房縣
之順水溪一帶自東北向西南轟擊總以逼賊
入川爲要並函致吳熊光嚴飭該鎮等遵照辦
理一面飭知在巫山一帶防堵之張績如該匪
西來竟當任其深入後再爲尾擊不可仍逼入
楚再查陝省南山之賊已有兩起先後往南竄
渡俱被陝境各路官兵追剿入川刻下南山內

所剩零匪只有百餘人不日即可掃淨其竄回
房縣陰條嶺之賊雖據報有三百餘人究係敗
殘游魂如該總兵等竭力遍剿過川則是陝楚
兩省先可肅清而各股零匪均聚川東一帶山

內額勒登保現在緊顧西北

臣

與勒保由東南

截剿正可聚而殲旃也

臣

現卽馳赴寶塔趕緊

剿辦奏入

上命軍機大臣傳諭德楞泰曰此次德楞泰摺內所稱各路零匪統計尙有千人上年奏報大功告竣時德楞泰等奏摺內卽稱各處零匪不過千人今經節次搜捕之後各路均疊有斬獲而賊數並未稍減可見前奏不實此時朕亦不加深責現在各起零匪惟田朝貴所剿一起及由楚省房縣竄川復行折回一起均有三百餘人爲數較多前因德

楞泰奏報田朝貴所追之賊窠合山內各零匪有
三百餘人與勒保前奏由楚竄至大寧邊界之三
百餘人數適相符意謂卽係一起是以吳熊光奏
到此起零匪自川折回興山當經諭令德楞泰查
明或卽帶兵入楚或派鎮將先行赴楚協剿昨據
額勒登保奏到其自川折回者竟屬另起今閱本
日摺內所敘更爲明晰此時田朝貴所剿一起已

東竄大寧一帶德楞泰正督兵東進當先將此起
餘匪趕緊辦淨其折回楚省一起德楞泰遵照前
旨派一二得力鎮將帶兵赴楚協同楚省鎮將奮
力搜擒德楞泰俟辦完大寧一起餘匪後如楚省
一起尙未淨盡德楞泰仍當帶兵入楚就地搜除
或該匪又復入川則如德楞泰所奏竟當任其竄
入再爲尾擊此等餘匪無論在楚在川總當不分

畛域一律搜捕完竣勿致草率了事此時各處山林內或尚有餘匪竄出德楞泰當據實奏明上緊逼擊不可稍有迴護粉飾

二十二日

戊午

吳熊光奏言連日以來總兵吉林

泰副將呢瑪善追剿之匪於房保交界南山往復逃竄十二日吉林泰報於寧昌河趕上賊蹤殲擒數名該匪現竄柿坪西大溝等處吉林泰

等俱已跟蹤進擊茲臣於十四日接據派隨李

天林一路之糧員縣丞王炳翰稟報正月三十

日巴東二塘垭地方突有川匪一股冒爲探勇

前來衝撲官兵并有後隊賊匪由山後擁出接

應李天林集兵抵恐斃賊數名身受矛傷二處

馬隊官兵排列擊射該匪猶衝突數次時值孫

應奉麻光裕兩路兵勇先後趕往該匪始行退

回查點馬步兵丁及練勇內間有傷亡營總和
隆武都司姜文聘張天仲麻光裕及該糧員各
帶矛石等傷李天林因傷暫赴巴東調養業將
兵勇交孫應奉帶領追擊

臣

詳加查詢據稱該

匪所執之旗與向日川省鄉勇旗號無異詐稱
川省探賊之勇看去約有六七百人係四川口
音多戴紅緯頂帽不似向日賊匪模樣現在孫

應奉帶兵兜擊獲賊數名生擒八名並聞川省
官兵現已追賊入楚臣已嚴飭孫應奉相機扼
截與川省官兵兩面夾攻惟此一路只孫應奉
一人恐未能周顧臣擬檄調慶溥前往協剿以
資得力奏入

上命軍機大臣傳諭德楞額奏勒保日本日據吳燕光
奏稱巴東二塘坳地方突有自川竄至零匪一起

冒爲探勇約有六七百人經官兵兜擊總兵李天
林等猝受矛傷現飭孫應奉等由東相機拒截川
省官兵業已追剿來楚正可兩面夾攻等語此起
賊匪詭詐異常人數較衆多係四川聲口並有戴
紅緯頂帽者其所執之旗與向日川省鄉勇旗號
無異不似賊匪模樣看來並非新起之賊竟係鄉
勇乘機作亂較賊匪尤爲可惡此等鄉勇朕早經

慮及伊等不能安分守法節經降旨飭令各地方
官妥爲安插今果不出朕所料試思殘匪窮蹙已
久豈能衣帽齊全且近日零星匪遇見官兵卽行逃
竄從不敢上前攻撲若果係真賊李天林等豈竟
不能辨識此時旣在楚滋擾無論其從前隨營打
仗得有軍功頂戴與否均當卽以賊論嚴行剿辦
至該匪等是否卽係隨營鄉勇猝滋事端抑或地

方官散遣時竟將應給伊等回家路費任意扣留以致激變抑係散歸後復行屯集均著詳細查明究係何處糾結鄉勇據實叅奏不可掩飾現在楚省帶兵之員祇有孫應奉一人在歸巴一路攔截吉林泰呢瑪善等俱在房保境內防堵慶溥雖經吳熊光檄調會同協剿尙未來至房縣該處剿捕情形正關緊要若專恃孫應奉一人恐難得手德

楞泰接奉此旨卽著飛速帶領大兵馳往巴東一帶迎頭探擊不可稍存輕視務期將此起賊匪悉數殲盡勿得任其肆行猖獗其大寧太平等處未淨餘匪卽著勒保督飭豐紳張績田朝貴等上緊剿除亦不可再有遲緩至隨征官兵節據奏報撤回歸伍者不少此時川楚邊界尙未能一律肅清自應酌留兵丁併力剿捕如官兵內有甫經裁撤

起行計程相去不遠者仍著飛調回營聽候撥用
倘正在擬撤而尙未起行者竟當卽行停止總在
德楞泰等相度機宜妥爲籌辦

上又命軍機大臣傳諭吳熊光曰此次巴東邊界零
匪竄至二塘埡地方李天林帶兵追剿因該匪冒
爲探勇猝不及防身受矛傷帶兵營總和隆武及
糧員王炳翰等亦俱帶矛石傷看來此起六七百

人並非新起之賊竟係鄉勇作亂較賊匪尤爲可恨前次吳熊光奏陳姓股匪卽有鄉勇作賊之語今摺內雖稱該匪冒爲探勇但其所執之旗竟與向日川省鄉勇旗號無異又係四川口音其所戴帽頂必係從前得過軍功鄉勇曾經賞給頂戴者現在該匪東竄雖有孫應奉等帶兵兜擊而李天林現受傷調養湖北領兵大員乏人卽調慶溥一

人前來亦未必於事有濟已降旨令德楞泰卽速帶兵入楚協剿吳熊光除一面督飭該省鎮將上緊截剿外卽一面迅速咨催德楞泰星馳赴楚再摺內稱現在川省官兵跟追入楚究係何人帶兵前來並著將李天林會否傷愈及將獲匪訊明確供實係何處鄉勇或有別情迅速具奏

二十四日

庚申

上命軍機大臣傳諭額勒登保曰前日據吳熊光奏稱巴東二塘埡地方有自川竄至零匪一起多係四川聲口衣帽齊全有頂戴者與向日川省鄉勇旗號無異看來竟係鄉勇乘機作亂現在楚省帶兵之員較少昨已諭令德楞泰飛速帶兵馳赴巴東一帶迎頭探擊第思此起匪徒詭詐異常況前據吳熊光奏由川境折回餘匪一起亦多係四川

口音其爲首陳姓卽係曾充鄉勇首領等語若不
將二塘埕一起速行剿淨恐該匪等潛行勾結並
或致裹脅餘匪騷擾地方且此外曾充鄉勇之人
隨處皆有安知不聞風觀望暗蓄奸謀此時額勒
登保督兵搜捕餘匪鎮將等尙不乏人著卽派一
二得力大員帶領大兵速由房竹一帶自北而南
德楞泰一路自南而北正可兩面夾擊務將此起

賊匪尅日殲除勿使稍有延蔓

二十五日

辛酉

德楞泰勒保奏言

臣

等十四日在

寶塔地方會合探得太平山內苟朝九一起賊

匪前由陝省南山潛合會芝秀王國賢股內餘

匪仍分兩起一起百餘人向白水峒一路遁走

一起二百餘人向明通井一路遁走

臣

等派令

副都統色爾滾總兵馬瑜取道入山協同田朝

貴剿辦茲據報十二日副將馬應國帶兵往搜至蜈蚣嶺老林內殺斃賊五名生擒顏必鐸陳郭氏等八名口又探得偏巖子有賊七八十人分竄色爾滾馬瑜等親帶兵勇往剿殺斃七名生擒翼文榜等十三名餘匪向老林藏匿又據探報副都統格布舍追剿賊匪二百餘人在平利大小淪河接仗斬獲數十名餘匪分竄大寧

所屬之百里荒新田壩等處又臣德楞泰接經

畧額勒登保信稱陝省南山內又轟出賊匪三

四十人竄過漢江南岸洋溪河是陝省餘匪均

已逼剿入川臣等復飛札副將羅聲皋一路官

兵向前河一帶迎探截剿至官兵在川北川東

各州縣搜捕零匪現據陸續稟報副都統銜達

斯呼爾岱副將羅聲皋在南江廣元界三家壩

搜獲賊匪二十四名叅將唐際盛等在蘇家坡
搜山斃賊二名生擒二名遊擊夏雲龍在黃栢
廠地方斃賊三名搜獲一名遊擊張拱辰等在
向家壩濫泥子一帶搜獲零匪五名殺賊四名
均係川北地方此時已無賊匪又都司趙琴在
梁山所屬謝家壩一帶搜捕殺賊三名生擒七
名守備謝金章等在奉雲交界大壩地方斃賊

一名生擒三名又武隆阿達白祥在鴉兒洞將
零匪六人盡行殺斃臣等伏查豐紳張績兩路

官兵扼住其竄楚之路賽沖阿在平利交界防
剿格布舍在陝西茅壩一路跟追賊匪不能折
竄楚陝色爾滾馬瑜等又已帶兵入山臣德楞

泰由紅池壩一路繼進督辦復調羅聲皋一路

官兵由黃鐘堡取道江截臣勒保亦取道東鄉

三河前往策應計此數路官兵併力剿辦自可
尅日掃除再據四川辦理團練各員稟稱近日
有逃散賊夥蒲文周仕祿等九名赴縣投首均
卽遵照

恩旨免其治罪發交原籍地方取保安插臣等現又
刻簡明告示四路分貼但能多散一人卽可少
殺一人以冀仰副

聖主好生之德

德楞泰勒保又奏言

臣

等現查奉節巫山大寧

三處有各營寄留病傷調養雲貴二省弁兵共
二百八十四員名均應陸續酌撤查有貴州思
南營遊擊程元龍雲南武定營守備陳廷標貴
州台拱營守備黃金榜三員現在俱應遣回原
營所有此次撤回之雲貴二省弁兵卽交陳廷

標等管帶仍飭程元龍統領以資彈壓至奉節

巫山大寧三處所存防勇一千名有零臣等已

飭該縣於二月內全數裁撤此項鄉勇均係本

地有業可歸之人卽交地方官妥爲遣散安業

其隨征鄉勇籍隸本省者臣勒保業經查明情

願歸伍造冊存案此外尙有籍隸貴州之勇理

應先行裁撤卽照經畧所定陝西裁撤各省征

勇之例每名賞銀三兩軍功頭人賞銀四兩再
查有叅將褚大榮本係黔省營員現應遣撤回
營_臣等飭令該叅將卽將撤回黔省之勇照料
回籍再_臣等查有黑龍江額外總管富僧額二
等侍衛明喜等以及東三省官兵共七十八員
名理應先行撤回現已繕給文牌卽交富僧額
明喜管領在夔府登舟由水路至湖北起旱從

河南直隸取道約計三月初旬可以過京均奏

人

上命軍機大臣傳諭德楞泰勒保曰昨因吳熊光奏
巴東二塘地方突有自川竄至零匪一起當經
諭令德楞泰飛速帶兵馳往探擊德楞泰接奉前
旨自己帶兵起身著卽迅速馳抵巴東將此起賊
匪趕緊殲盡不可稍有遲緩至另片奏稱奉節巫

山大寧尙存防勇一千名有零已於二月內全數
裁撤此千餘人安得盡有生業或地方官將伊等
路費扣留短發激之生變或裁撤後無業可歸復
行屯聚竄楚滋事著德楞泰勒保詳細密查此起
竄匪是否卽係奉節等縣鄉勇其爲首者係屬何
人如果係此起鄉勇卽應查明經理散遣時係何
員承辦有無侵扣激變之處據實叅奏毋稍諱飾

再另片奏撤旋東三省官兵七十餘員名一節此
時楚省零匪未淨尙資兵力東三省官兵素稱趨
勇自應暫緩裁撤計此時不過甫經起程尙在川
境德楞泰卽可檄令隨同赴楚如已行抵湖北業
降旨吳熊光令其就近截留俟德楞泰到楚後再
交帶領德楞泰一抵巴東卽將剿擊該匪情形速
行馳奏以慰廑注

上又命軍機大臣傳諭吳熊光曰本日德楞泰勒保
秦川省有撤回黑龍江及東三省官兵在薊州府
登舟由水路至湖北起旱約計三月初旬可以過
京等語東三省官兵剿賊向屬奮勉此時湖北尙
有未淨餘匪自應留於該省協剿該官兵須三月
初旬到京則此旨到時正在楚境著吳熊光卽將
此項官兵全數截留先交與慶溥等管帶截剿竄

匪俟德楞泰到楚後再交德楞泰酌量派撥設此
項官兵現在已過楚境卽不必再行追回

同日惠齡奏言臣督率各路兵勇躡蹤追剿節

次在蘇家溝火燒灘等處搜殺賊匪多名該匪

折向南竄臣當卽率領參將李應元遊擊馬國

用等於十一十二日分投起殺復在大岔及大

樹壩地方兩次剿殺鎗斃齊施共計擊斃賊匪

三千餘人生擒二名餘賊約不滿百四散狂奔
由高橋鋪逃過棧西直入紫柏山老林又由紫
柏山南趨而入黑河地方該處惟站壩老林樹
木叢雜過此卽係沔寧境內地勢稍寬第賊情
狡猾異常恐其仍思折竄南山爲苟延旦夕之
計臣派令叅將李應元率領李應貞原帶兵勇
由紫柏山蹶躓追剿現在楊芳張廷楷已由進

口關一帶顧北兜截前來臣卽於廟臺子一帶

顧東策應督率剿辦倘該匪逃過站壩老林卽入沔寧境內該處有將軍興奎在彼防堵亦可乘勢截擊至東路寧陝境內據遊擊林向榮稟報在上壩林內搜出零匪數十人向雲霧山狂奔該遊擊追至江岸不遠詎在前奔竄之三四十人搶過漢江餘匪見官兵緊蹙不敢搶渡東

折手扳崖一帶其過江之賊業經經畧派兵截

剿林向榮仍卽折回向手扳崖跟蹤搜捕

臣復

又派副將吳廷剛等馳赴東路與林向榮等悉

力搜剿奏入

上命軍機大臣傳諭惠齡口陝境山內零匪經惠齡
督率將弁分路排搜並設伏截擊均有斬獲現在
餘匪不及百人乘夜逃過棧西遁入紫柏山老林

該處較之南山地勢寬展兵力易施惠齡卽嚴飭
該鎮將等迅速追捕就地殄除萬不可任其竄過
棧東折入南山又延時日並知會興奎及朱爾漢
等嚴密兜截合力圍搜毋令竄逸至東路寧陝境
內搜出餘匪逃向雲霧山一帶人數亦屬無多應
卽飭令各將領上緊搜捕尅期剿淨

二十七日

癸亥

吳熊光奏言竊

臣

據總兵李天林

副將孫應奉都司麻光裕等先後稟報巴東一路情形逐一查核緣李天林孫應奉麻光裕等因追捕境內零匪分兵三路前進李天林帶兵行至二塘埡陡遇川匪扮爲鄉勇衝擾該鎮督率將弁兵勇抵剿擒獲活賊王貴張雲等二名旋值副將孫應奉與副都統銜總管都當阿都司麻光裕等前後趕到接應該匪折退旁趨山

徑麻光裕帶兵襲擊復斃賊十餘人擒獲活賊
周正義一名至歸州地方復經麻光裕及都司
唐盛高曾勝等率勇抵殺斃賊三名又經叅將
承祿德興都司羅綸等鎗斃賊匪五名都當阿
孫應奉承祿德興麻光裕各帶兵勇追剿殲斃
賊匪十餘人沿途散出被裹難民數十人匪衆
帶傷逃逸者甚多生擒何維明等五名餘匪向

西折竄節據獲賊供稱前於大寧巫山等處山
內竄匿近復會合雲奉一帶零股東竄巫山共
約有六百餘人因聞四川官兵俱到川東想逃
到湖北躲避今連被官兵屢次截剿殺的散的
約有百數十人現在賊夥僅有矛手四百餘人
等語臣已嚴飭孫應奉承祿德興麻光裕等併
力相機追擊至前竄房保境內賊股經吉林泰

呢瑪善分投追擊該匪又折向東北保康南遼
交界之毛莊苟家溝一路奔竄臣業飭吉林泰

等務窮所向以冀卽就殄滅至巴東一路節次

擊賊陣亡部委筆帖式德楞額外委文光二員

此外兵勇間有傷亡者另行查明咨部辦理再

查此次闖入賊股訊有曾充鄉勇之人附入濟

惡臣伏思鄉勇旣經附賊自不待不加剿戮第

恐現在從征之勇或慮及同夥不法將來以衆
等一概看視心存疑惑士有關係正是以發貼
告示諭以鄉勇曾經出力俱係向義良民並曾
蒙

聖恩賞以官職翎頂斷無甘心附賊之理現傳鄉勇
爲賊之說必係匪衆懷鄉勇剿殺之恨造作謠
言以圖煽惑陷害爾等鄉勇斷不可墮賊奸計

即有一二偶被賊匪擄脅入夥亦當及早投出
凡曾充鄉勇者係久經出力之人不但不加罪
譴並當優體

馮慈爲之各謀生計等因切切曉諭以冀解散賊黨
而安從征之心奏入

上命軍機大臣傳諭吳熊九日前因該督奏稱巴東
二塘坪地方突有川匪一股乘機作亂日來正深

屢念今閱本日所奏情形竟係川東剿散零星匪冒
充鄉勇希圖劫掠是前次吳熊光所奏係糧員等
稟報之詞未免稍覺冒昧然果係竄匪詭稱鄉勇
辦理尙易現在該匪等四百餘人疊被截擊向西
南山內四竄自應上緊追剿此時楚北帶兵大員
較少前已諭令德楞泰親身帶兵赴楚復諭令額
勒登保遴派得力大員來楚協同搜捕此次孫應

奉等所帶兵力無多尙能擒斬百餘人可見該匪等無他伎倆尙爲易辦德楞泰等大兵到彼自可迅就掃除吳熊光總當嚴飭鎮將等上緊探剿如能就地洗盡固屬甚善卽不能痛加殲戮亦當顧住東北逼向西南轟入川境則德楞泰一路官兵正可迎頭截擊自更易就肅清斷不可稍涉大意致該匪等折竄東北一帶腹地其陳姓一起亦當

速行躡剿勿使與此次竄匪潛行勾結會合此爲
最要至出示曉諭鄉勇一節所見固是但此等鄉
勇從征出力則加之恩資從賊爲匪則立予刑誅
此時若出示曉諭轉涉形跡恐伊等不免心疑吳
熊光惟當行所無事留心防範設遇擒獲賊匪訊
有曾充鄉勇之人祇當一律正法無所用其區別
不必聲言使衆聞知如此靜鎮辦理該勇等自可

相安也此次擊賊陣亡之部委筆帖式德楞額外
委文光俱著咨部賜卹

上又命軍機大臣傳諭額勒登保德楞泰曰據吳熊
光奏到二塘堽等處賊匪節經官兵痛剿餘匪由
歸州地方向西折竄並據獲賊供稱該匪等前在
大寧巫山等處山內藏匿近與雲奉一帶股匪會
合因四川官兵俱到川東是以逃往湖北現在尙

有矛手四百餘人等語此股賊匪仍係川省零星散竄之賊與鄉勇無涉惟賊匪尙有四百餘人且狡詐百出而現在楚省興房等處尙有陳姓股匪三百餘人往來折竄計兩處竄匪統計尙有七百餘人此時楚省帶兵大員未能得力德楞泰仍當遵照前旨迅速赴楚與額勒登保派出鎮將南北夾擊能卽於楚境辦淨固屬甚善否亦將該匪逼

回川境一面知會勒保帶兵圍剿以期迅就掃除
再額勒登保在陝省邊界督剿零匪旬日未知會
否辦淨亦著一併具奏

二十八日甲子額勒登保奏言竊臣據穆克登布

呈報連日分兵搜捕守備馬忠良顧應全在爛
柴扒迎遇賊匪竄來有誓留作眼之王泳清認
識姚馨佐在內卽入賊營將該逆扭住旁有一

賊用矛戳傷王泳清右腿倒地姚逆掙脫滾巖
脫逃顧應全等督勇一齊衝撲當斃賊二名捉
獲襄陽老教施中元等四名穆克登布遂將兵
勇分爲數路向西排搜並飛移將軍興奎督率
各營卡一體嚴緝初五日都司石寶林在香港
山獲賊匪王世吉一名據供與姚陳二逆一同
六人走大壩欲往陝西等語初七日穆克登布

派令哈豐阿李廷珍等分帶兵勇向巫山埡搜捕奔上大梁適與奎一路分防之叅將常祿帶兵順梁搜緝見有賊匪數人上前擒捉該匪持矛迎敵被馬兵宋元城謝敖將該匪戳傷倒地又捉獲李保子一名詢知受傷被擒者卽係陳文海餘賊二名奔向龍頭山老林守備宋鉞帶兵緊追同該處寨民將該二犯擊斃獲犯李保

于王世吉指認一係姚馨佐一係萬大漢與全
連日分派兵勇搜緝又經殲獲多名並據川省
文武稟報達斯呼爾岱帶兵進站巴老林殲擒
賊匪十九人叅將褚大榮馮元在天坪河搜獲
零匪六名叅將唐際盛在鐵船山殲斃賊匪九
名生擒二名均經分別辦理查川陝邊界廣元
南江通江境內疊經各官兵搜捕計殲除賊匪

八十餘名又將姚陳二逆殲擒已絕勾結根株
刻下縱有三五零匪不能糾聚祇圖乘間逃散
官兵分路排搜計日即可淨盡至太平大寧邊
界老林內賊匪現據格布舍稟報與總兵田朝
貴副將張瑗分投追躡副都統銜富登阿副將
王兆夢亦由祗麻入林搜剿先後截擊共斃賊
二十六名生擒六十二名該匪卽由百里荒向

南逃竄查訊獲犯內有先鋒羅粹然一名又王文得等七名亦係通巴民人均與鄉勇苟文耀等平素認識情願具保懇請免死留營以便臨

陣招投臣查羅粹然等八名並非緊要頭目苟

文耀等既願具保留用或能渙散餘黨令其悔

罪投出臣已批准飭令隨兵趕剿臣昨接勒保

來信稱川省大寧邊界尚有零匪兩三起臣逐

加查核卽係格布舍田朝貴王兆夢等現剿之
賊又據豐紳呈報巴巫交界之陰條嶺火峯有
零匪二百餘人已經豐紳張績截回等語臣已
飛飭吳熊光嚴飭吉林奉李天林等趕緊搜剿
或招撫安插以冀早清全楚奏入

上命軍機大臣傳諭額勒登保日前因扎克塔爾回
京奏及通江一帶尙有賊目姚馨佐陳文海二逆

奔竄是以降旨諭令額勒登保查明搜捕本日恭

摺

裕陵甫至桃花寺適遞到額勒登保奏報官兵搜捕餘

匪殲斃首逆姚馨侂生擒陳文海一摺此皆仰賴

皇考垂慈默佑從此餘匪迅就肅清地方永臻寧謐覽

奏殊爲欣慰此次姚逆迎遇官兵被暫留作眼之

王泳清認明扭住旁賊用矛戳傷王泳清右腿倒

地該逆掙脫奔逃與陳逆同竄大壩經穆克登布
派令分投排搜適與奎一路分防之叅將常祿帶
兵前來被馬兵朱元城謝教上前捉捕將陳逆戮
傷生擒餘賊奔向龍頭山老林復經守備宋鉞帶
兵緊追同該處寨民用鎗將姚逆擊斃皆因興奎
一路防禦嚴密該逆等始無路奔逃得就殲擒興
奎及叅將常祿守備宋鉞均著交部議敘馬兵宋

元城謝赦著以外委補用其作服之 王泳清自係
獲賊今既爲官兵擒捕姚逆致受子 傷尙屬出力
著加恩免死並免其發遣之罪仍酌賞銀兩令其
回籍其鎗斃首逆之寨民著查明酌量獎賞茲將
去四喜玉搬指一個白玉大吉葫蘆牌一件黃纒
大荷包一對小荷包二個著賞給額勒登保祇領
四喜白玉搬指一個瑪瑙鼻煙壺一個大荷包一

對小荷包二個著賞給典奎祇領並發去搬指奎
五個洋磁鼻烟壺五個著分賞此次出力官弁一
兩重銀牌一百面五錢重銀牌一百面著分賞此
次兵勇以示獎勵現在陝西邊界餘匪漸清惟川
境太平大寧山內統計尙有竄匪五六百人額勒
登保自當飭令鎮將等趕緊搜捕速就廓清務將
宋應伏齊國典等賊目一律擒斬斷不可任其漏

網至摺內稱巴巫交界有零匪二百餘人前據吳
熊光奏巴東二塘垭地方突有川省竄匪六七百
人昨復據奏到剿散一百餘人尙有四百餘人四
散奔竄疊次諭令德楞泰帶兵赴剿並令額勒登
保遊員帶兵赴楚協捕本日摺內祇稱巴巫交界
零匪二百餘人並未敘及二塘垭一起竄匪想尙
未得有信息計此時楚境零匪除此股四百餘人

外合之前次陳姓股匪三百餘人尙有七八百人
額勒登保仍當遵照前旨卽派得力大員帶兵赴
剿尅日掃除俟川陝邊界肅清額勒登保可無須
在陝駐劄彼時楚匪如未淨盡當親帶大兵赴

楚督辦搜捕